



شخت جلیلم اسلامیک جریدہ رسمیه پیدر

رجب الفرد ۱۳۳۴ [*]

عدو: ۶۵

آیدہ بر نشر اول نور

اوپر خجی سنہ

ایدیله بیلیمسی طرفینک بالرضا مراجعتنه ویا تبعه عثمانیه نك علاقہ دار بولمسنه متوقف
وزوجه مرقومه اناسطاشیه دستورک برنجی جلدنده مندرج تابعیت نظامنامه سنک یدنجی
ماده سی موجبنجه تبعه یونانیه دن اولان زوجنه تابع اولمسنه بناءً دعواى مباحوث عنها
محکمه شرعیه درؤیت ایدیله میه جکنک جواباً مذکور قاضیلکه اشعارى تذکر ایدلدى اولباده



تذاکر و محرمات علیہ

تحت تمهیره آلنان ترکہ حقنده

تحت تمهیره آلمش اولان اشیانک بالحاکمه تبین ایدہ جک حالہ کورہ اقتضاسی ایفا
اولمق اوزره کماکان تحت تمهیره بولندیرلمسی و فقط بونلر میانده متسارع الفساد اشیا
بولندیغی صورتده بالمزایده بیع اولنہرق ائماننک امانت ایتام صندوقده حفظی و بحث
ایدیلن ذخائر ائماننک ده تماماً محکمه جه قضی ایلہ اولباده کی اختلاف بالحاکمه حل وفصل
ایدیلنجیه دکین کذلک ایتام صندوقده محافظه سی اقتضا ایدہ جکنک مجلس تدقیقات شرعیه
افاده سیله اشعارینه مبادرت قلندی .

★
★ ★

نکاح دعواسنده منع معارضه حکمنک رأساً تابع تمیز اولدیغنه دائر [*]

بحث اولنان حکمنک رأساً تابع تمیز اولدیغنک مجلس تدقیقات شرعیه افاده سیله صوب
شریفکزه اشعارینه مبادرت قلندی .

★
★ ★

[*] بوبابده میخالیجق قاضیلکنک تحریراتی صورتی :

طلاق دائر ویریلان حکم تمیزاً تدقیق وتصدیق اولمذجہ مطلقه نك زوج آخره وارمسی
و بوبابده اذنامه ویرلمسی ۱۱ ربیع الآخر سنه ۳۳۲ و ۶ مارت سنه ۳۲۹ تاریخی قرار عالی
ایله ممنوع اولوب موجبنجه عمل اولمقده ایسه ده نکاحه دائر زوجیت ادعا سنده بولنان مدعینک
مدعی علیهایه معارضه دن منع اولمسنه دائر ویریلان حکمده طلاق کبی رأساً تمیزاً تدقیق وتصدیق
اولمذجہ مدعی علیها ضروره نك زوج آخره وارمسی ایچون اذنامه ویرلمسی ممنوع اولوب اولدیغنده
تردد ایدلدیکندن استیدان اولنور افندم .

مقدما صفرندن ناشی حصه ارثیه سی توقیف ایدیلن بر یتیمک مؤخرأ بلوغیه دیگر میراثدن
حصه سنک کندیسنه اعطاسی حقنده [*]

متوفی موسانک ترکه سنک حین تحریرنده اوغلی یحیانک کبیر اولدینی آکلاشلدیغندن
مذکور ترکه ده کی حصه سنک کندیسنه اعطاسی لزومک مجلس تدقیقات شرعیه افاده سیله
اشعارینه مبادرت قلندی .



تبلغات عمومی

۳۱۳/۴ تولدی مأمورین معاشاتی حقنده

اوچوز اون اوچ و اوچوز اون درت تولدی خدمت مقصوره اربانک مأموریندن
اولان قسمک معاشاری سن مکلفیت داخلنده خدمت مقصوره یه تابع مأمورین معاشاتی
مثلاً تسویه اولنه جفی و خدمت غیر مقصوره اصحابنک دخی منزل عدی لازم کله جکی
۹ مارت سنه ۳۳۲ تاریخی شورای دولت قراری اقتضاسندن بولندینی مالیه نظارتی
وکالت جلیله سندن باتذکره ازار ایدلمسی اوزرینه کیفیت تعمیماً قضاة کرامه اشعار ایدلمش
اولغله اکا کوره ایجابنک ایفا و نسخ ملفوفه نک ملحقات قضائیه اسراسنه همت اولنسی
سیاقنده شقه محبی ترقیم قلندی .

۱۳ رجب سنه ۱۳۳۴ و ۳ مایس سنه ۱۳۳۲



[*] بو بابده اذینه قضاسی قاضیلکنندن ۲۲ جمادی الاخره سنه ۳۳۴ تاریخی تحریرات صورتیدو:
والده سی زلیخانک حین وفاتنده صفرندن طولایی حصه ارثیه سنه اصابت ایدن مبلغ لاجل
الارباح ایتم صندوقه آلتقی و بوکره وفات ایدن پدری موسانک ترکه سی دیگر ایتمی بولندیغندن
موجب تحریر بولنمش ایسه ده کندیسی اون بش یاشنی اکمال ایلائیکنندن ایتم نظامنامه سنک
ایکنجی ماده سی موجبجه کبیر عد اولنه رق پدرندن اولان حصه ارثیه سنک طرفنه تسلیمنی متوفای
مرقوم موسانک اوغلی یحیی طلب ایلمکده ایسه ده نظامنامه مذکورک الی طقوزنجی ماده سی
موجبجه یکریمی یاشنی اکمال ورشدی شرعاً ثابت اولدقجه پدرینک ترکه سندن اولان حصه
ارثیه سنک کبیر عدیه کندیسنه تسلیم ایدیلوب ایدلیه جکنک استیذاننی باینده .